



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ ՊԱՇՏՈՆԱԿԱՏԱՐ
Ռ. ՊԵՏՐՈՍՅԱՆ

« 22 » 07 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0132-21

Ձեռնարկողը՝

«Ախթալայի ԼՀԿ» ՓԲԸ

Լոռու մարզ, ք. Ախթալա

Գործունեությունը՝

**«Նահապակ» պոչամբարի ռեկուլտիվացման աշխատանքների
շրջակա միջավայրի վրա ազդեցության գնահատման
հաշվեկշիռություն**

Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0 1 3 2 - 2 1

< 22 > 07 2021թ.

«Նահատակ» պոչամբարի ռեկուլտիվացիոն աշխատանքների շրջակա միջավայրի վրա ազդեցության գնահատման հաշվետվություն

Ձեռնարկող՝

«Ախթալայի ԼՀԿ» ՓԲԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Ա կատեգորիա/

Գտնվելու վայրը՝

Լոռու մարզ, Ախթալա համայնք

Ներածական մաս. Ախթալայի հարստացուցիչ ֆաբրիկան գտնվում է ՀՀ Լոռու մարզում, Ախթալա կայարանից 2 կմ հեռավորության վրա՝ դեպի հյուսիս-արևմուտք:

Ներկայումս ֆաբրիկայում վերամշակվում են Շամլուղի հանքավայրի պղնձա-կոլչեդանային հանքաքարերը: Ֆաբրիկայի նախագծային արտադրողականությունը կազմում է 500 հազ. տ/տարի:

«Նահատակ» պոչամբարը գտնվում է Այրում գյուղին կից՝ Մեծ Այրում և Ճոճկան գյուղերի վարչական տարածքում, հարստացուցիչ ֆաբրիկայից 6424մ հեռավորության վրա:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ դասակարգվում է «Ա» կատեգորիայի գործունեության տեսակ:

Նկարագրական մաս. Ֆաբրիկայի պոչերը 1967 թվականից պահեստավորվել են «Նահատակ» պոչամբարում, որը գտնվում է Նահատակ գետի հունում, ֆաբրիկայից 6.5 կմ հեռավորության վրա:

1988 թվականին պոչամբարի շահագործումը դադարեցվել է՝ ֆաբրիկայի ապամոնտաժման պատճառով: 2001թ. «Լեռնամետալուրգիայի ինստիտուտ» ՓԲԸ-ի կողմից մշակվեց և իրականացվեց Ախթալայի հարստացուցիչ ֆաբրիկայի վերագործարկման նախագիծը: 2001-2009թթ. ֆաբրիկայի պոչերը ժամանակավորապես պահեստավորվել են «ՊՆ» և «Նագիկ» փոքրածավալ պոչամբարներում: 2009թ. «Լեռնամետալուրգիայի ինստիտուտ» ՓԲԸ-ի կողմից մշակվեց «Նահատակ» պոչամբարի վերականգնման նախագիծը և այն վերագործարկվեց: Ներկայումս հարստացուցիչ ֆաբրիկայի պոչերը (8-10% խոնավությամբ) պահեստավորում են բացահանքի արդյունահանված տարածքում:



Նահատակ գետի կիրճի հատվածը, որտեղ գտնվում է պոչամբարը, մեծամասնությամբ կտրուկ անկում ունեցող ժայռեր են, որոնց վրա հողաձածկույթը բացակայում է, իսկ հողաշերտով ծածկված տեղամասերում հողերը ուժեղ էրոզացված:

Հողերի ռեկուլտիվացման բոլոր աշխատանքները կանոնակարգվում են Հայաստանի Հանրապետության կառավարության կողմից 2017թ. դեկտեմբերի 14-ին հաստատված «Հողերի ռեկուլտիվացմանը ներկայացվող պահանջները և խախտված հողերի դասակարգումը ըստ ռեկուլտիվացման ուղղությունների» թիվ 1643-Ն որոշման համաձայն:

Ներկայացված տեղագրական հանույթի հիման վրա «Նահատակ» պոչամբարի ներկայիս չափերը՝

- ամենամեծ երկարությունը՝ 993 մ,

- ամենամեծ լայնությունը՝ 446 մ,

- ամենափոքր լայնությունը՝ 101մ,

- շեպի թեքման անկյունը հորիզոնի նկատմամբ՝ 15 – 18 աստիճան:

Պոչամբարի ռեկուլտիվացիայի ենթակա մակերեսը՝ պատնեշի թեքությունների մակերեսի հետ, կազմում է՝ 17.83 հա:

Պոչամբարի ռեկուլտիվացման համար, մշակվել է նախագծի 2 տարբերակ (տարբերակներ Ա և Բ): Ձեռնարկությունը նախընտրում է «Ա» տարբերակը, որը նախատեսում է կենսաբանական ռեկուլտիվացիան իրականացնել հողի բերրի շերտով:

Ա տարբերակը նախատեսում է պոչամբարի լեռնատեխնիկական և կենսաբանական ռեկուլտիվացիա:

Լեռնատեխնիկական ռեկուլտիվացման փուլը նախատեսվում է պոչամբարի մակերեսին (2 տեղամաս) տալ 0.3% թեքություն դեպի ջրահեռացման առուն, մթնոլորտային տեղումների հեռացման համար:

Առաջարկվում է պոչամբարի մակերեսը հարթացնել և այն ծածկել 0,5-1մմ հաստությամբ՝ օրինակ MEAՊԼԱՍՏ մակնիշի գեոմեմբրանով, որի պատռվածքի դիմադրողականությունը համեմատաբար կազմում է 130 կամ 250Н [29]: Կարելի է օգտագործել նաև АНІКОМ մակնիշի գեոմեմբրան:

Գեոմեմբրանի տեղադրումը կբացառի ինչպես մթնոլորտային տեղումների ներթափանցումը դեպի պոչեր, այնպես էլ պոչամբարի զանգվածից ջրերի ներթափանցումը ռեկուլտիվացված շերտ: Տեղումների ջրի ավելցուկը՝ առանց ներթափանցման պոչեր, կհեռացվի պոչամբարի մակերեսից: Թաղանթի վրա նախատեսվում է փռել 30սմ հաստությամբ ապարների շերտ (դրենաժային շերտ) և հարթացնել: Որպես դրենաժային շերտ՝ կարելի է օգտագործել Շամլուղի բացահանքի լցակույտի դատարկ ապարները կամ նմանատիպ գրունտներ:

Պատնեշի փեշերի թեքությունը կազմում է 15-18°, իսկ բարձրությունը՝ 50-55մ, այս տարածքում նախատեսվում է միայն կենսաբանական ռեկուլտիվացում հիդրոցանքի եղանակով:

Կենսաբանական ռեկուլտիվացման փուլը, 2 տեղամասում նախատեսվում է դրենաժային շերտը ծածկել 20սմ հողի բերրի շերտով և վրան իրականացնել տարածքին բնորոշ խոտաբույսերի ցանք:

Ռեկուլտիվացման 2-րդ փուլի 3-րդ տեղամասի աշխատանքները կսկսվեն պոչամբարի խոնավ մակերեսի և ջրի բնական չորացումից հետո: Պոչամբարի չորացումը ջրի հեռացման եղանակով կբերի Դեբետ գետի ջրերի լրացուցիչ աղտոտմանը՝ արտադրական կեղտաջրերով: Այս փուլի աշխատանքները կարելի է սկսել միայն պոչամբարի խոնավ



Պոչամբարի ռեկուլտիվացիան արդեն իսկ բնապահպանական միջոցառում է: Պոչամբարի ազդեցությունը շրջակա միջավայրի սահմանափակվում է ռեկուլտիվացիոն աշխատանքների ժամանակահատվածով և կրում է ժամանակավոր բնույթ:

- Գրունտի և հողի բերրի շերտի տեղափոխող մեքենաների թափքը պետք է ծածկված լինի,
- հերթափոխում առնվազն մեկ անգամ շոգ և չոր եղանակին պետք է իրականացվի տարածքի ջրցանում,
- տեխնիկայի շարժիչների վառուցքները պետք է լինեն կարգավորված,
- պոչամբարի ամբողջ պարագծով նախատեսվում է ցանկապատ՝ 2մ բարձրությամբ, որի վրա պետք է փակցված լինեն զգուշացման նշաններ:

Պատճառաբանական մաս. Լոռու մարզի Ախթալա համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության նախարարությունները, ինչպես նաև Լոռու մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Նախքան ռեկուլտիվացման աշխատանքները սկսելը, անհրաժեշտ է իրականացնել պոչամբարի պատնեշի հետազոտություններ, որի հիման վրա վերացնել թերությունները, անհրաժեշտության դեպքում՝ լրացուցիչ աշխատանքներ իրականացնել պատնեշի կայունությունը բարձրացնելու ուղղությամբ:

- Անվտանգությունից ելնելով, ռեկուլտիվացված պոչամբարի տարածքը առաջարկվում է արտաքին եզրագծով ցանկապատել 2մ բարձրությամբ և 2630մ ընդհանուր երկարությամբ փշալարե ցանկապատով:

- Պոչամբարի ռեկուլտիվացիայից հետո՝ 5 տարվա ընթացքում, պետք է իրականացվի Նահատակ գետի ջրերի եռամսյա մոնիթորինգ:

- Մշտադիտարկումների ընթացքում պետք է ուսումնասիրվեն հետևյալ ցուցանիշները՝

- pH, էլեկտրահաղորդականություն, լուծված թթվածին,
- ջրերի իոնային հաշվեկշիռ՝ ընդհանուր ալկալիություն,
- Ca, Mg, K, Na, As, Co, Cu, Fe₂₊, Mn, , Zn, Cl⁻, SO₄²⁻, HCO₃⁻, CO₃²⁻ (մգ/լ), Թ-ՔՊ, մգO₂/լ,
- նավթամթերքներ, կախված նյութեր, չոր մնացորդ, մգ/լ,
- կոշտություն, մգ-էկվ/լ,
- հիմնայնություն, մգ-էկվ/լ:

- Պոչամբարի տարածքում հողերի աղտոտվածության մշտադիտարկումներ՝ առնվազն վեց ամիսը մեկ՝ հետագա 5 տարիների ընթացքում, նվազագույնը 4 կետից:



- Հողերի նմուշառում 20-25սմ խորությունից և քիմիական անալիզ՝ As, Co, Cu, Fe₂, Mn, , Zn, Cl⁻, SO₄²⁻, մգ/կգ:
- Ռեկուլտիվացիայի աշխատանքների իրականացման ընթացքում անհրաժեշտ է խստագույնս հետևել գնահատման հաշվետվությունում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:
- Անհրաժեշտ է ապահովել հաշվետվությունում ամրագրված ռեկուլտիվացիայի աշխատանքների իրականացումը:
- Աշխատանքների ընթացքում ղեկավարվել առողջապահության նախարարի 2012թ.սեպտեմբերի 19-ի N15-Ն նորմերի պահանջներով:

ԵԶՐԱՓԱԿԻՉ ՄԱՍ

«Ախթալայի ԼՀԿ» ՓԲԸ կողմից ներկայացված Լոռու մարզի Ախթալայի «Նահատակ» պոչամբարի ռեկուլտիվացման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխ. մասնագետ՝



Հ. Մեսրոպյան

Ընդամենը՝ 5 էջ